



# Matyu 8



Ket ito kalpasan niya duwa nga algew, uwed pakalun enna Kana, nga isa nga ili iya prubinsiya nga Galilya. Uwed antuni ya ina né Jèsus nga makipacpakalun. Ket naawis met pé ngé Jèsus sé dito adalan na nga nawé nakipakalun.



Ket to napasamac enna pagpapakalunan, naamin mettin to basi da nga ubas. Itu nga kinunen nito ina né Jèsus igina, “Naaminan da ka basi yin,” kunen na. Ket to ina né Jèsus, kinunen na kadiya agsirsirbi iyan, “Orey nagan ya ibaga na dakayu, tungpalen nu was, a,” kunen na.



Ket kinunen né Jésus kadito agsirsirbi, “Pennuwen nu ka danum diyan nga papayan,” kunen na. Ket pinnu da ngarud dito papayan agingga nga naninib da.



3

Kalpasan na, kinunen manin né Jésus igida, “Ket ita, kumod kayu ket ipen nu iya manput,” kunen na. Ket winangel da ngarud ya agten iyan.



4

Ket ito naramanan nito manput to danum, ket basi met gayamin. Ngem madi na emmu ya naggayatan niyan nga basi. Ngem dito agsirsirbi nga gennung, emmu da met. Ket to manput, pinalbét na to mangasawa.



5

Ket kinunen nito manput igina, “Gangey diya toltoley nga ipasangu nga mona ya kaimasan nga basi, ket sé da nad ipasangu ya kadawyan nga basi no adu ya nainum diya sangaili yin. Ngem dakayu, nipodi nu met ya kaimasan nga basi!” kunen na.



6

Ket yan nga inariman né Jésus enna Kana iya prubinsiya nga Galilya, itu ya kaonaan nga nakaskasdaaw nga inariman na. Ket iya agten iyan, nipasingen na ya kinadayaw na antuni, ket namati igina dito adalan na.





7

Ket ito nawé ngé Jésus iya baley dé Pédru, nadateng na ya katugangan né Pédru nga babey nga nakaida, ta madagang met.



8

Ket é Jésus, inicman na ya ima nito babey, ket nalaingan mettin to dagang na. Ket to babey, bimangunin, ket nagistimar pé ka para é Jésusin.



9

Ket ito nisurneb ya sinagin iyan mettas nga algew, nélbèt diya toltoley iya edyan né Jésus diya amin nga agsasakit sé diya naluganan ka sairu. Ket iya agten iyan, naguurnung itun diya amin nga agkakailian iya sangu nito baley nga edyan né Jésus.



10

Adu ngarud diya pinalaing né Jésus itun nga agsagsagaba ka nadumaduma nga sakit, sé adu pé diya sairu nga pinagtalew na ka toley. Ket madi na pinalubusan nga agkagi dito sairu, ta emmu da met no nagan na ngé Jésus.




11

Ket amin dito toltoley, gabay da nga sécdéngen kuma ngé Jésus, ta uwed met pannakabalin nga tumaud igina nga mangpalaing igida nga amin.




12

Ket itun, uwed da nangipen igina ka isa nga lugpi nga binuligan diya eppat nga lalaki.




13

Ngem gapu iya kaadu diya toley, madi da met maiyadenni é Jésus to lugpi. Itu nga nawé da met inakas nga inbutan ya atep iya batug né Jésus.



14

Ket ito uwed ebbut nan,  
binaluyubuy da to lugpi nga  
siida pekkem iya ida na.




15

Ket ito nasingen né Jésus nga sipapati da, kinunen  
na ito lugpi, “Anac ku,  
napakawan diya basbasul  
mun,” kunen na. Ket  
kinunen na ngarud  
ito lugpi yin, “Ket  
ikew, bumangun  
kan. Bacrunem ya  
idam, sé agawir  
kan,” kunen na.




16

Ket itun, nawé naglugan ngé Jésus ito bangka, ket  
nibulun ngarud igina dito adalan na.  
Ket ya napasamac itun,  
nagbelluut met ka nabileg gin,  
ket masacsacduwan  
mettin to bangka da.  
Ngem é Jésus, agtutudug.



17

Ket kinunen né Jésus igida, “Apé mansing kayu?  
Nakapsut met ya panamati nu!” kunen na. Ket bimangun  
ngé Jésus, sé na met binilin to belluut sé palung nga  
agtalna da. Ket natalna met nga tutu ya aminin. Ket  
nasdaaw ngarud dito adalan na,  
nga kinunen da, “Nagan ngata ya  
katotoley nidi? Ta ore y  
ya belluut sé diya palung,  
ket agtungpal da met  
igina!” kunen da.



18

Tutu met yan, ta gapu iya napalaus nga  
panagayat né Apu Diyus kadiya toltoley  
idi nga lubung, niyawat na ya kackaisu  
nga Anac na, tasun amin nga mamati  
igina, madi mapukaw, no di lugud  
maécdan ka agnanayun  
nga biyag.

40



60 19

Ruma 3:23 Ta amin tida, nagbasul tida met, ket awan  
dactida ya makabael nga mairaman iya nadayaw nga  
kasasaad né Apu Diyus.

Ruma 6:23 Ta ya supapac niya basul, ket patey. Ngem  
biyag nga agnanayun met nga gennung ya isagut né Apu  
Diyus dactida gapu iya pannakaibulun tida é Kristu Jésus  
nga Apu tida.

Hébriyu 9:27 Ket no dactida nga toley, sigud nga  
naikeddeng nga matey tida ka maménsan, ket kalpasan  
na, uwed pé yin ya panangukum né Apu Diyus.

20

Epésu 2:8,9 Ta gapu was iya siaayat nga asi né Apu Diyus, ket naisalakan kayu ngarud gapu iya panamati nu. Ket ya pannakaisalakan nu, bekken ngarud nga gapu iya bukud nu nga winangel, no di lugud gapu ta nikaasi né Apu Diyus dakayu. Ta no mabalin tida nga maisalakan kuma gapu was iya winangel tida, mabalin nga uwed pagtangsit tida. Ngem bekken met nga agten iyan.

Ruma 10:9,10 Ket idi ngarud ya banag niya kagi nga ikaskasaba mi: No ibalikas mu nga ipakaemum nga tutu nga é Jésus ya ibilang mu nga Apum, sé no patiyem iya lemlemmet mu nga igina ket pinagungar ngarud né Apu Diyus, ket maisalakan ka nad met.

Ta gapu iya panamati tida nga tumaud iya lemlemmet tida, maibilang tida nga nalinteg iya imatang né Apu Diyus. Ket sé gapu pé iya panangibalikas tida nga panangipakaemmu tida maipanggep iya panamati tida, ket maisalakan tida.

21

Juan 3:16,17 Tutu met yan, ta gapu iya napalaus nga panagayat né Apu Diyus kadiya toltoley idi nga lubung, niyawat na ya kackaisu nga Anac na, tasun amin nga mamati igina, madi mapukaw, no di lugud maécdan ka agnanayun nga biyag.

Ta nibon né Apu Diyus ya Anac na idi nga lubung tasun maisalakan kuma diya toley gapu igina, nga bekken nga tasun ukumen na da.

1 Juan 5:11-13 Ket ya banag nidi nga panangipanecne né Apu Diyus maipanggep iya Anac na, agten idi: Nécdan nactida ngé Apu Diyus ka agnanayun nga biyag, ket ya Anac na mettas ya paggayatan niyan nga biyag.

22

Matyu 8-9; Markus 1-2, 4; Lukas 4, 8; Juan 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Adasen (tiu) © 1990 New Tribes Mission, Sanford, FL  
32771-1487, USA. Printed in the Philippines.

<https://www.bible.com/en-GB/bible/2812/MAT.1>

©2025 Bible for Children, Inc.  
www.M1914.org    www.bibleforchildren.org

23